

Hab. ad Caput Bonæ Spei *F. Masson!* (*v. s. sp. in herb. Banks.*)

Frutex humilis, ramis tetragonis sæpius glabris semipedalibus. Folia ramorum juniorum in axillis fasciculata, longiora vix pollicaria, nunc anguste linearia integerrima, sæpius hinc inde dentata, interdum lanceolata profunde dentata, coriacea, dura, vix incana, floralia 2-3-linearia, vix bracteis majora, suprema pubescentia. Racemi 1-2-pollicares, verticillastris approximatis at distinctis. Calyces forma et magnitudine *S. africana*, at brevissime (ut in *S. paniculata*) scabro-pubescentes. Corolla *S. africana* minor, purpureo-violacea? tubo ampliato intus versus medium piloso-annulato, labii inferioris lobo medio emarginato-bifido. Connectiva subtus sub insertione breviter dentata. Stylus breviter exsertus.

25. *S. NIVEA* (Thunb. Prodr. Fl. Cap. 96).

*S. lanceolata.* *Lam. Ill. 1. 72. sec. Vahl.*

Hab. ad Caput Bonæ Spei *Thunberg.*

“*S. foliis lanceolatis integerrimis albo-tomentosis, ramis divaricatis.*”—*Thunb. l. c.*

“*Caulis erectus, 3-pedalis. Rami et ramuli decussati, tetragoni, sulcati, inferne glabri, superne tomentosi. Folia opposita, petiolata, acuta, parum rugosa, convoluta, nivea, patula, internodiis breviora, pollicaria. Axillæ ramulis foliiferis onustæ. Petioli vaginantes, sensim in folium dilatati, breves. Flores oppositi vel subpaniculati in apicibus ramulorum. Calyces hirti. Corollæ purpureæ, calyce duplo longiores. Similis S. aureæ et chamæleagneæ, sed distinguitur facile foliis lanceolatis niveis.*”—*Thunb. Fl. Cap. MSS. ex Roem. et Schult. Syst. Mant. 1.*

26. *S. CANARIENSIS* (Linn.! Spec. 38), caule fruticoso albo-lanato, foliis petiolatis lanceolatis hastato-triangularibus rugosis subglabris, floralibus ovato-lanceolatis calyces superantibus membranaceis coloratis, racemis ramosis, verticillastris subsexfloris approximatis distinctis, calycibus incurvo-campanulatis, labiis membranaceo-dilatatis, superiore sinuato subtrilobo, inferiore bifido, laciniis obtusis mucronatis, corollis calyce plus duplo longioribus, tubo incluso ampliato, labiis subæqualibus subrectis, superiore subfalcato, inferioris lobis lateraliter deflexis, connectivis postice subdilatatis antheræ loculum cassum ferentibus.

Sclarea tomentosa. *Mill. Dict. n. 13.*

Schraderia hastata. *Manch. Meth.*

Hab. in ins. Canariensibus *Chr. Smith! &c.* etiam in Sicilia sponte at non indigena *Gussone. (h. s. c. et v. s. sp.)*

Frutex orgyalis, in hortis sæpe cultus, foliis hastatis et caule dense lanato distinctissimus. Folia floralia et calyces membranaceo-colorati. Corollæ purpurascetes.

### SECTIO III. DRYMOSPHERE.

*Drymosphæ.* *Benth. in Hook. Bot. Misc. 3. 373.*

*Calyx tubulosus vel campanulatus, labio superiore subintegro truncato vel brevissime tridentato. Corollæ tubus exsertus, intus piloso-annulatus, labium superius falcato-compressum, inferioris lobi laterales patentés. Connectiva postice porrecta, loculum difformem cassum ferentia, extremitate subconnexa.*—*Herbæ Europææ vel Asiaticæ, virides subglutinosa, foliis plerumque amplis hastato-cordatis, corollis flavis vel rarius cæruleis.*

27. *S. GLUTINOSA* (Linn.! Spec. 37), caule herbaceo erecto glutinoso piloso, foliis petiolatis ovato-oblongis acuminatis dentatis